

CUATRO AÑA Y 6 LUNA DI PRISON PA HOMBER CU A PUÑALA OTRO DIFERENTE BIAHA CU CUCHIO

E victima lo keda pa resto di su bida handicapped

ORANJESTAD(AAN) -- Door di e hincanan cu e victima a ricibi, e lo keda pa resto

DESTRUCCION NA OFICINA DI SALUBRIDAD PUBLICO

ORANJESTAD (AAN): Tabata den oranan di marduga cu Central di Polis a worde notifica, cu lo a waak hende desconoci den un di e despachonan di Salubridad Publico. Patruxa cu mientras tanto a presenta na e edificio indica, y nan a constata porta destrui. Posiblemente lo a usa bloki di cement pa kibra e glas ya cu paden ainda por a nota e obheto aki.

Polis a tira un bista paden y pafor, pero no a haya ningun hende. E persona encarga cu yabi di e despacho aki a worde notifica. Mientras tanto tambe personal di ambulans a duna di conoce cu posiblemente lo por tabata tin un cahita di placa den e despacho. E informe aki lo worde averigua cu e persona encarga si tabatin cahita cu placa.

Den mesun vecindario Patruxa na pia mas despues a nota un homber na careda. Esaki a socede na altura di Traffic Cafe 2000. Tabata trata di e conocido di Polis di inicial H.L. cu tin 30 aña.

E homber aki posiblemente lo a nota presencia di Polis a dicidi di baha speed y cana na un forma sospechoso direccion di Zandstraat. E patruxa no a confia e asunto aki y a bay pa H.L. Ora cu e patruxa a acerca H.L. nan a constata cu e tin un obheto den su saco di carson y tambe bao di su braza. Ambos e tabatin duro teni, pero durante di interrogacion el a bin basha bao.

Den su saco di carson e tabata tin un obheto pa los tire y bao di braza robez un cahita. H.L. a declara na e agentenan, cu e tabata altura di Exit Night Club el a haya problema cu un persona. El a dal e persona cu e obheto pa los tire y a kita for di e homber aki e cahita di placa.

Pa Recherche por profundiza di loke H.L. a conta e agentenan, el a worde deteni pa despues worde entrega na e investigadorman.

di su bida lam na su pia robez y no por tene relacion sexual mas. Ademas cada pasa tres ora e mester bebe pildora pa problema cu su stoma door di e hincanan ocasiona door di Michael Sixto Maduro.

Ayera mainta Juez mr. van der Griendt a condena Maduro na 4 aña y 6 luna di prison kitando e tempo cu el a pasa den detencion preventivo.

Dia 29 di Mei mr. van der Griendt a trata e caso caminda Fiscal a haya legalmente proba intento di asesinato y a exigi 5 aña di prison. Juez a cera tratamiento di e caso y a duna Fiscal instruccion pa laga traduci na Hulandes e raport di e patologo cu ta na Spaño y pa laga Polis interroga e victima pa mira si enberdad ta asina manera abogado Flanders a bisa cu e victima ta canando rond o sea cu e no a keda afecta manera e raport di patologo ta indica.

Ayera mainta Juez mr. van der Griendt a lesa e interrogacion cu Polis a haci cu e victima. E interrogacion a



tuma lugar dia 2 di Juni 1998. E miembro di Recherche a pone den su raport cu el a mira e victima ta lastra su pia robez. Su dilanti e victima tabata hinca su pia cu un potlood punta pa muestra cu su pia ta lam y cu e no ta sinti nada. E miembro di Recherche a keda observa e victima ora el a bandona oficina di Recherche y a constata cu enberdad su pia robez ta lam.

E victima a declara na e miembro di Recherche cu el a sufri tres hinca na su pecho, uno na su lomba, uno na altura di su man robez parti ariba y uno na su man drechi

parti ariba. E hincanan aki e victima a haya durante un pelea cu a sosode dia 22 di Februari 1998 na Pacifico Restaurant.

A consecuencia di e hincanan, en especial e hinca na su lomba cu a dañá su nervio, su pia robez a keda lam y e no por tene relacion sexual mas. Tambe e victima tin masha problema cu stoma. Cada tres ora e mester bebe pildora pa-sobra Maduro a hink'e y a perfora su tripa. E victima ainda tin dolor na su lomba y actualmente e ta bao tratamiento di un psychiater.

Despues di e lesa e declaracion di e victima, Juez a puntra e acusado si e tin algo di bisa. Maduro a bisa Juez cu no tabata su intension di haci daño na e victima y cu no ta e sino e victima a cuminsa cu tur e problema na Pacifico Restaurant.

Juez a dicta sentencia di biaha y a bisa cu e ta haya legalmente proba cu Maduro a purba di mata e victima. El a sigui bisa cu e forma con Maduro a hinca e victima, ta

un milager cu e no a muri. Juez a reacciona riba e penencia di abogado Flanders cu Maduro a actua den defensa propio. Juez a muestra cu esaki por bien tabata e caso pero e uso di cuchio tabata di mas.

Juez a muestra cu Fiscal a exigi 5 aña di prison pa loke Maduro a haci caminda a tene cuenta cu e victima. Juez a bisa cu el a keda pensa hopi largo riba e demanda di Fiscal. El a tene cuenta cu e heridanan cu Maduro a ocasiona na e victima kende a keda handicapped pa resto di su bida. Di otro banda Juez a tene cuenta cu Maduro tin 28 aña y cu e tambe su salud no ta mucho bon. Tambe a tene cuenta cu ta promer biaha el a cay den man di husticia pa un caso similar.

Juez su decision ta cu e ta condena Maduro na 4 aña y 6 luna di prison kitando e tempo cu el a pasa den detencion preventivo.

Famianan di e victima no a keda mucho contento cu e sentencia y nan tabata murmura diferente cos.

WHO'S THE ENEMY!!

